

**COLLECTIVITE TERRITORIALE DE CORSE**

**ASSEMBLEE DE CORSE**

**2EME SESSION ORDINAIRE POUR 2012**

**27 ET 28 SEPTEMBRE**

**N° 2012/O2/057**

**Quistione à bocca posta da Saveriu Luciani, Gilles simeoni, Ghjuvanni Biancucci, Ghjuvancristofanu Angelini, Mattera Lacave, Ghjacintu Vanni, Nadine Nivaggioni, Agnes Simonpietri, Fabiana Giovannini, Cristina Colonna è Michele Castellani (Gruppu Femu A Corsica)**

**Ogettu: Azzuffi dopu à u macciu Sporting – Parigi.**

O sgiò Presidente,

Sabatu sera, eramu parecchi eletti di u nostru gruppu à assiste in Furiani à ciò chì avia da esse una festa cù più di sedeci mila corsi. Venuti da Corsica intera, tutti anu vistu, cum'è noi, ciò chì hè accadutu in fin' di partita, à l'esciuta di u Stadiu Armandu Cesari.

In lu frattempu, Femu a Corsica hà porsu subitu u so sustegnu à a ghjente cummuziunata o ferita quella sera ma hà ancu dinunziatu e pruvucazione di a pulizia, à l'origine, per contu nostru, di l'incidenti.

Scrive a stampa u lindumane: "Mais ce n'est pas la rancœur de la défaite qui a, soudain, fait monter la pression à l'extérieur du stade. Non. Mais une décision pour le moins surprenante qui a consisté à empêcher les spectateurs de la tribune Est de regagner leurs véhicules par la voie, qui longe le côté nord du stade. Celle par laquelle ils étaient arrivés... ».

Infatti, hè stata listessa in trè punti, incausendu blucchime ch'anu impeditu à i spettatori di vultà à e so vitture. Cunniscendu bè e difficoltà di situazione ingiru à u Stadiu per spiazassu è ingarà una vittura, ùn bastavanu più chè ste centinaia di CRS...

Ciò chì s'hè passatu, ùn l'acchettemu mancu appena, cum'è ùn l'anu accettatu i dirigenti di u Sporting; perchè chì sta manera speciale di gestisce una

situazione ch'omu pò qualificà di normale in altrò, hà messu in periculu famiglie sane, venute cum'è tante volte dipoi aostu à vede un macciu di u Sporting.

Simu passati vicini à una catastroffa. Ci hè mancatu pocu d'assiste - rispettu parlandu - à un'impiastru maiò, cù cunsequenze gravissime per giovani è vechji, per via di ciò ch'è no cunsideremu da faccende pulizzere irrespunsevule, cù un dispositivu spripusitatu è st'usu anticipatu di gasi lacrimogeni è di matraccate à voline più.

Ripetu vulinteru: quand'omu cunnosce a cunfigurazione di Furiani, di e strade permettendu di vultà ver di u naziunale, ch'ùn bastanu più, è ch'ellu si scopre ch'è e vie sò imbarate cù trè o quattru ranghi di e cusì dette "forze di l'ordine", u prefettu ci pò spiegà ciò ch'ella li pare. Ch'ellu ci dica cumu hè ch'ellu ùn ci sia statu stampa di cuncertazione cù i dirigenti bastiacchi, riguardu à a impurtanza di a manifestazione spurtiva?

Un' basta à facci crede ch'è a partita si sia passata in pessime cundizione; quelli ch'è ci eranu a ponu palisà quant'è noi. Nentru u stadiu, s'hè passata bè.

Oghje, prufittendu di sta sessione, a turnemu à ripete: ch'ella ghjovi di lezziò ciò ch'è accadutu sabatu è ch'è i macci à vene di u Sporting sianu ciò ch'elli sò stati dipoi tant'anni, vale à dì mumenti di ritovu, di gioia è di festa per stu populu.

L'avete capita bè è più chè bè, s'è no pigliemu oghje a parolla quì, hè per sparte a cunclusionu d'un giurnalistu ch'è scrive: « I vise juste rappeler à qui de droit que ce sont des erreurs psychologiques de ce genre qui, par le passé, ont été la source d'incidents graves que nul n'a oublié et dont on se serait, comme bien l'on pense, volontiers passé».

Hè dinò u segnu d'una vulintà profonda di significà di manera ufficiale à i rispunsevuli ch'elli a faccinu finita cù certe pratiche periculose è dannefiche.

Per compie, vi dumandemu, à nome di l'eletti di st'Assemblea di Corsica, di mandà un messagiu chjaru in direzione di u statu, ch'ellu piglii in cunsequenza tutte e so rispunsabilità, è d'agisce una volta per sempre di manera cuncertata è cuerente, è d'assucià , in casu di bisognu, l'Assemblea di Corsica.

A ringraziavvi.